

Rapport d'actividad dalla Romania per 1967

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **53 (1967)**

PDF erstellt am: **25.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

RAPPORT D'ACTIVITAD DALLA ROMANIA PER 1967

Igl onn 1967 ei in tierm decisiv ella historia dalla Romania; schebein el fuorma il punct da partenza per in resvegli ni per ina digren dil moviment cultural en Surselva vegn denton pér a semussar. La perioda indicada ei enramada da duas radunonzas generalas da gronda impurtonza. L'emprema tschentada, quella dils 26 da december 1966, ha concludiu d'accordar *la libertad da scripziun per tuttas publicaziuns* dalla Romania. Quei ei stau ina necessitad indispensabla per l'unitad romaniana e cheutras per la cuntinuaziun dall'activitad d'antruras. Ils 30 da december 1967 ha l'otra radunonza generala approbau culs novs statuts *la reorganisaziun dalla Romania*. Ultra da quellas duas decisiuns principialas ei la Romania secapescha era s'occupada da tut quei che promovava la viarva e cultura indigena. Legreivlamein eis ella buca persula en quei cumbat d'existenza.

I. ACTIVITAD ORDEIFER LA ROMANIA

Oravontut sin camp litterar ei l'acziun romaniana vegnida sustenida grondamein entras autras instituziuns. La casa editura Fontaniva ha ediu siu 5avel tom, il roman «Caumsura» dil renomau scribent lumnezian Toni Halter. La casa editura Desertina ei sepresentada cun siu empren cudisch da gaglioffa. Ina nova fuorma da publicaziun egl intschess romontsch! Il cudischet, intitolaus «Riccarda», cuntegn entginas historiettas digl enconuschent scribent Ludovic Hendry. A caschun da siu 75avel onn da naschientscha ha Luis Candinas publicau ina collecziun da poesias popularas numnada «Ord miu truchet». Ella «Prosa rumantscha/Prosa romontscha», che cuntegn il fretg d'ina concorrenza litterara arranschada dalla Nova biblioteca svizzera, ein era quater sursilvans representai. Dr. Leo Schmid e dr. Duri Capaul han redigiù ina plascheivla brochura «Lugnez und Valsertal» ella retscha dils Cudischs svizzers dalla patria. Plinavon ei la «Bibla pintga», procurada dils paders dr. Flurin Maissen e dr. Ursicin Derungs, cumparida. Als affons ha igl artist Aluis Carigiet regalau in niev cudisch illustrau «Vitturin e Babetin».

II. LA REORGANISAZIUN DALLA ROMANIA

La Romania ei vegnida fundada 1896 sco uniun da students. Igl ei denton semussau che quella basa ei memia stretga per realisar las finamiras tschentadas. Perquei han pliras revisiuns empruau da popularisar l'uniun. Quei ei era stau l'idea empalonta dalla revisiun actuala. Ina cumissiun sut il presidi da dr. Fidel Caviezel ha preparau quella el decuors digl onn 1967 cun gronda breigia e minuziusadad. Il project vul purtar il moviment romontsch viado el pievel. Perquei intent vegnan secziuns localas fundadas en vitgs e vischnauncas. Quellas ein el futur il center dall'activitad romontscha. Ellas elegian ils representants per la radunonza da delegai che remplazza la radunonza generala. Ella radunonza da delegai ein era autras instituziuns culturalas dalla Surselva representadas. Intent e finamira da quella midada ein dilucidai pli extendidamein ella pintga brochura «La reorganisaziun dalla Romania 1967», ch'ei cumparida sco separat dalla Gasetta Romontscha.

III. EDIZIUNS

Egl onn 1967 ha la Romania ediu duas annadas digl Ischi. Annada 50 ei cumparida la fin da schaner en fuorma festiva e voluminusa. La finanziaziun da quella gronda publicaziun ei stada pusseivla mo cun agid da pliras contribuziuns generusas davart dalla Pro Helvetia, dil Cantun Grischun, dalla Ligia Romontscha e dil Fondo Cadonau. La fin d'october ei gia annada 51 suandada, ferton ch'il Tschespet 45 ha bandunau la stampa il fenadur.

Ils referats dalla dieta economica dils 29/30 d'october 1966 a Breil ein vegni edi en ina bufatga brochura. Quella publicaziun ei vegnida sustenida grondamein dalla Stampa Romontscha. En quei connex astgein nus era menziunar ch'ina gruppa dalla Romania ei s'occupada dalla pusseivladad da crear ina organisaziun adattada per promover il svilup economic e social en Surselva. Pli tard ha ella collaborau cun in comité d'iniziativa da Glion e contuorn. Suenter pliras contractivas eis ei reussiu da perschuer quei comité dalla necessitad da crear ina suletta uniun, aschia che la «Pro Surselva» ha saviu vegnir fundada ils 15 d'uost 1967 a Glion.

IV. ACZIUNS SPECIALAS

1. Fatscha da nos vitgs

Cun la derasaziun da nova activitad en Surselva eis ei necessari da punctuar nossas atgnadads. Nus stuein procurar che tut tgi che viseti nos vitgs romontschs, senti e vesi ch'el sesanfli en tiara romontscha. Ina cumissiun ha gia fatg las empremas retschercas en quei sectur. Siu studi ei vegnius publicaus el davos Ischi.

2. Curtin d'honor

A Trun sper la caplutta da s. Onna sesanfla il Curtin d'honor, nua che campiuns dalla cultura romontscha vegnan undrai. Quei liug historic basegna ina renovaziun. Demai che la Romania ha il dretg da designar las persunalitads meriteivlas, eis ella era s'occupada da quella restauraziun. Ina cumissiun empalada da mistral Gieri Vincenz ha elaborau in project adattau. Avon che saver entscheiver cun la realisaziun, sto la finanziaziun denton esser segirada.

V. ACTIVITAD GENERALA

1. Pressa romontscha

La pressa romontscha ei ina petga da nies moviment. La sperdita d'ina gasetta augmentass grondamein l'influenza jastra. Perquei beneventa la Romania tuts sforzs adattai per mantener e francar meglier la posiziun dalla pressa romontscha. Cun plascher eis ella separticipada d'ina conferenza culs representants da tuttas uniuns romontschas che ha tractau las pusseivladads da rinforzar nossas gasettas. In εμπrem pass fuss l'ediziun d'in «Fegl Official Interromontsch». La realisaziun dependa denton dalla collaboraziun da tuttas gasettas e dallas autras uniuns.

2. Augment dalla contribuziun federala

Cunquei che la contribuziun federala alla Ligia Romontscha scroda alla fin da 1968, ha quella instituziun priu a buna ura las disposiziuns necessarias per renovar ed augmentar quei agid.

El decuors da 1967 ha la LR elaborau, en collaboraziun cun las uniuns regiunalas, ina istanza per mauns dil Cussegl federal. Quella damonda in alzament da 120 000.— francs. Ina gronda part da quel sebas sin la svaletaziun dil daner. Quei alzament ei urgentamein necessaris per saver cuntinuar l'acziun instradada. Era la Romania profitass da quella contribuziun.

3. V o c a b u l a r i t u d e s t g / r o m o n t s c h

Il vocabulari tudestg/romontsch sursilvan da Ramun Vieli ei exausts dapi in temps. Ina reediziun ei urgentamein necessaria. Perquei ha la Romania fatg ina istanza communabla cun la Renania alla LR e supplicau quella da procurar aschi spert sco pusseivel per ina reediziun. Silsunter ha la LR incaricau prof. dr. Alexi Decurtins cun quella lavur.

VI. C O N C L U S I U N

La situaziun da partenza dalla nova suprastanza ei buca stada fetg favoreivla. Ella ei denton semessa cun energia alla lavur ed ha empruau da vivificar e dar nova tempra all'acziun romaniana. En 9 extendidas sedutas da suprastanza ed en in numerus diember da conferenzas e sentupadas ha ella liquidau in grond pensum da lavur. Nus sperein ch'igl onn 1967 seigi l'entschatta d'ina activitad augmentada en favur da viarva e cultura romontscha.

La radunonza dils 30 da december 1967 ha elegiu danovamein ils organs dalla Romania. Ils redactors ein vegni confirmai. Dalla suprastanza ein Sur Giusep Caviezel e Giusep Nay seretratgs. En lur stagl ein vegni elegi: Scolast Albert Decurtins (cassier), prof. dr. Alexi Decurtins (vicepresident), scolast secundar Toni Caduff e Sur canoni Giusep Pelican.

Duront igl entir onn ha la Romania saviu sebasar sin igl agid d'in grond diember da collaborators. A tut quellas forzas activas admettein nus il meglier engraziament per lur lavur ideala.

Per la Romania

Il president:

Dumeni Columberg

ILS ORGANS DALLA ROMANIA 1968

Suprastonza

Dumeni Columberg, lic. oec., Mustér/S. Gagl, president

Prof. dr. Alexi Decurtins, Cuera, vicepresidente

Bernard Cathomas, stud. fil., Breil/Turitg, actuar

Albert Decurtins, scolast, Trun, cassier

Toni Caduff, scolast secundar, Vella

Baseli Collenberg, stud. fil., Murissen/Friburg

Sur canoni Giusep Pelican, sextaratedral, Cuera

Redactors

Ischi: Prof. dr. Alfons Maissen, Cuera

Tschespet: Gion Arthur Manetsch, Cuera

Represetant dalla Romania ella Ligia Romontscha

Sur prof. Christian Monn, Cuera

Administraziun dalla Romania

7166 Trun, tel. 086 7 64 47 / Conto dil scheck postal 70-1188